



ТОШКЕНТ ҲАҚИКАТИ

Вилоят ижтимоий-сиёсий газетаси

TOSHKENT HAQIQATI

1928 йил 11 декабрда асос солинган • 2003 йил 6 август, чоршанба • №63 (11.554)

Эркин нарҳда сотилади

Ўзбекистон Республикаси Вазирлар Маҳкамасининг
Қ А Р О Р И

Электр ва иссиқлик энергияси учун ҳисоб-китоб қилиш интизомини кучайтириш чора-тадбирлари тўғрисида

Вазирлар Маҳкамаси қайд этадики, иқтисодиётнинг бир қатор тармоқларида электр ва иссиқлик энергияси учун ҳисоб-китоб қилиш бўйича номақбул ҳолат сақланиб қолмоқда. Энергия учун тўлов бўйича қарзларнинг кўпайиши, ҳисобга олиш приборлари кўрсаткичларини нотўғри акс эттириш, электр ва иссиқлик энергияси бериш тармоқларига рухсатсиз уланиш ҳолларига йўл қўйилмоқда. "Ўзбекэнерго" давлат акциядорлик компанияси раҳбарияти томонидан мазкур камчиликларни бартараф этиш, тўлов муддати ўтган

қарзлари бўлган истеъмолчиларга энергия берилишига йўл қўймаслик бўйича муфассал чора-тадбирлар кўрилмапти.

Ўзaro ҳисоб-китоб қилишда тўлов интизомини кучайтириш, етказиб берилаётган электр энергияси учун истеъмолчиларнинг барча тоифалари томонидан ҳақнинг сўзсиз тўланишини таъминлаш, энергетика комплекси корхоналарини замонавийлаштириш ва техника билан қайта жиҳозлаш учун шарт-шароитлар яратиш мақсадида Вазирлар Маҳкамаси қ а р о р қ и л а д и:

1. "Ўзбекэнерго" давлат акциядорлик компанияси раҳбариятига электр энергиясини узатиш вақтида унинг исроф бўлиш даражасини камайтириш бўйича амалга оширилаётган ишларнинг етарли эмаслиги, етказиб берилаётган электр ва иссиқлик энергияси учун истеъмолчилар томонидан ўз вақтида ва тўлиқ ҳисоб-китоб қилиниши, уларни ҳисобга олиш приборларидан тўғри фойдаланилишини таъминлаш юзасидан талабчанликнинг сусайтириб юборилганлиги ва зарур назоратнинг йўқлиги кўрсатиб ўтилсин.

(Давоми 2-бетда).



ОГОҲЛИК — ДАВР ТАЛАБИ

Паркент туманининг маданият уйида туман ҳокимлиги ташаббуси билан «Огоҳликка даъват» шиори остида йиғилиш бўлиб ўтди.

Унда туман прокуратураси, суди, ички ишлар бўлими вакиллари, корхона ва ташкилотлар раҳбарлари ҳамда маҳаллалар фаоллари иштирок этдилар.

Сўзга чиққанлар юртимиз тинчлигини сақлаш, мамлакатимизда жиноятчиликка қарши курашни кучайтириш, терроризмнинг олдини олиш ҳақида атрофлича фикр-мулоҳазалар билдирдилар.

Ўзал СОЛИЖОНОВА.

Аёл, Оила, Жамият



Тошкент вилояти хотин-қизлар қўшма сониинг ойлик саҳифаси №2
(3-, 4-, 5-, 6-бетлар).

Янгийўл туманидаги «Янги ҳаёт» ширкат хўжалиги пахтакорлари бу йил 750 гектар майдонда 25 центнердан ҳосил олиб, жами 1830 тонна хом ашё топшириш юзасидан шартнома тузишган. Уни бажариш учун хўжалик пахтакорлари агротехника талабларига қатъий амал қилмоқдалар. Шу кунгача гектарига 350 килограммдан аммофос, 200 килограммдан калий, 150 килограммдан карбонид ва 250 тоннадан маҳаллий ўғит берилиб, уч марта сўғорилган ғўзалар баравж ривожланиб, мўл ҳосил тўпламоқда.

СУРАТДА: хўжалик бошқаруви раиси Комил Каримбердиев (унгда) ва пудратчи Исом Дўсанов даладаги ҳосил чўғини кўздан кечиришмоқда.

Даврон АҲМАД олган сурат.

ФАОЛЛАР ЙИҒИЛИШЛАРИ

Вилоятнинг барча шаҳар ва туманларида 28 июль — 4 август кунлари фаоллар йиғилишлари бўлиб ўтди. Уларда 2003 йилнинг биринчи ярмида иқтисодий-ижтимоий соҳаларни ривожлантириш якунлари ҳамда ислохотларнинг ушбу соҳаларга оид муҳим ва устувор йўналишлари бўйича зарур чора-тадбирларни амалга ошириш масалалари атрофлича ва чуқур муҳокама этилди.

Хусусан, Юқоричирчиқ тумани фаолларининг йиғилишида ўтган олти ой давомида эришилган ютуқларни таъкидлаш билан бирга етакчи тармоқларни ривожлантиришда йўл қўйилаётган камчилик ва нуқсонлар танқидий нуқтаи назардан таҳлил этилди. Ўтган ярим йилликда иқтисодий-ижтимоий соҳаларда ислохотларни жадаллаштириш ва янада чуқурлаштиришда муайян ютуқларга эришилди. Жумладан, ялпи ички маҳсулот ишлаб чиқаришнинг ўсиши ўтган йилдагига нисбатан 101 фоизни ташкил этди. Саноат маҳсулотлари ҳажми 6,2 фоиз, қишлоқ хўжалик маҳсулотлари етиштириш 1,3

фоиз, халқ истеъмол моллари ишлаб чиқариш 1,3 фоиз, қурилиш-пудрат ишлари 29,2 фоиз кўпайди.

Олти ой давомида пул-кредит сиёсати бирмунча барқарор ва қатъийлаштирилгани туфайли инфляция суръатлари анча пасайди.

Шу йилнинг ўтган даврида 337 та ўрта ва кичик корхона ҳамда микрофирмалар ташкил этилди. Бу 1280 та янги иш жойлари очиб имконини берди. Бугунги кунда иқтисодиётда банд бўлганларнинг 47,9 фоизи ўрта ва кичик тадбиркорлик тармоқларида меҳнат қилмоқда. Туманда ишлаб чиқарилаётган ялпи ички

(Давоми 2-бетда).

«Тошкент ҳақиқати»га жавоб берадилар

«ОҚҚҮРҒОНДА НИМА ГАП?»

Газетамизнинг 2003 йил 19 июль сонида юқоридаги сарлавҳа остида танқидий-таҳлилий мақола чоп этилган эди.

Унда Оққўрғон туманида болалар спортини ривожлантириш ишлари кониқарли эмаслиги, хўжаликлардаги мактабларнинг спорт майдончалари, волейбол, баскетбол, футбол ўйингоҳлари талабга умуман жавоб бермаслиги, улар ўз ҳолига ташлаб қўйилганлиги ҳақида фикр юритилган эди.

Тахририят мазкур мақола юзасидан Оққўрғон тумани ҳокимлигидан жавоб хати олди. Унда, жумладан, шундай дейилади:

«Мазкур мақола 24 июль куни туман халқ таълими бўлимида бўлиб ўтган мактаб директорлари йиғилишида атрофлича муҳокама қилинди. 49 та мактаб директори, барча мактабгача таълим муассасалари, болалар спортини ривожлантириш жамғармаси вакиллари иштирок этган ушбу йиғилишда мақолада кўрсатилган барча нуқсонларни бартараф этиш юзасидан мулоҳазалар билдирилди. 12-, 13-, 39-умумтаълим мактабларида спорт залларини қуриш Оққўрғон тумани ижтимоий-иқтисодий ривожлантириш режасига киритилди. Камчиликларга йўл қўйган 19-, 20-, 21-, 29-ва 31-умумтаълим мактабларининг директорларига нисбатан туман халқ таълими бўлими томонидан маъмурий жазо берилди».

Шунингдек, жавоб хатида ҳозирги кунда маҳалла фаоллари, жамоатчи мураббийлар, педагог тарбиячилар томонидан спортнинг футбол, волейбол, баскетбол, қўл тўпи, шох-

мот-шашка, теннис, каратэ, таэквондо турларига ёшларни жалб этган ҳолда кўчалар ва маҳаллалараро мусобақалар ташкил этиш йўлга қўйилганлиги маълум қилинади. Янги ўқув йилида барча мактабларда спортнинг 12 тури бўйича тўғарақлар мунтазам иш олиб бориши ва ўқувчи ёшларни вилоят, республика мусобақаларига тайёрлаш юзасидан чора-тадбирлар ишлаб чиқилгани эътироф этилган.

Хатда таъкидланишича, танқидий мақола 2003 йил 28 июль куни туман ҳокимлигида бўлиб ўтган йиғилишда ҳам кўриб чиқилган. Унда туман ҳокими ва унинг ўринбосарлари, барча корхона, ташкилот, хўжалик раҳбарлари, қишлоқ ва маҳалла фуқаролар йиғинлари раислари, мактаб директорлари, туман ички ишлар бўлими ва прокуратураси ходимлари иштирок этишган ҳамда мақолада кўрсатилган камчиликларни бартараф этиш бўйича таклиф ва тавсиялар қабул қилиниб, ҳомий ташкилотларга йил давомида мактаб ўқувчиларини спорт анжомлари ҳамда жиҳозлари билан таъминлаб туриш юзасидан кўрсатмалар берилган.

Ўзбекистон Республикаси Вазирлар Маҳкамасининг

Қ А Р О Р И

Электр ва иссиқлик энергияси учун ҳисоб-китоб қилиш интизомини кучайтириш чора-тадбирлари тўғрисида

2. "Ўздавэнегоназорат" агентлиги Ўзбекистон Республикаси Бош прокуратураси билан биргаликда:

электр ва иссиқлик энергияси ўғирланиши, ҳисобга олиш приборлари кўрсаткичларининг нотўғри акс эттирилиши, электр ва иссиқлик энергияси узатиш тармоқларига рухсатсиз улашиш, шу жумладан "Ўзбекэнегро" давлат акциядорлик компанияси корхоналари ходимлари томонидан улаб бериш;

истеъмолчиларда ўрнатилган электр ва иссиқлик энергиясини ҳисобга олиш приборлари ҳолатини текширишга ва кўрсаткичларини ёзиб олишга тўсқинлик қилиш ҳоллари аниқланган тақдирда айбдор шахсларни қонун ҳужжатларида назарда тутилган жиноий жавобгарликкача бўлган даражадаги жавобгарликка тортсин.

3. Белгилаб қўйилсинки:

2003 йил 1 сентябрдан бошлаб, аҳолидан ташқари, истеъмолчиларнинг барча тоифалари учун "Ўзбекэнегро" давлат акциядорлик компанияси томонидан бериладиган электр ва иссиқлик энергияси учун бир ойлик истеъмол ҳажмининг 30 фоизи ҳақини мажбурий равишда олдиндан тўлаш

(Давоми. Боши 1-бетда).

жорий этилади, яқуний ҳисоб-китоблар 60 кун мобайнида амалга оширилади;

истеъмолчининг ҳисоб-китоб қилинадиган даври бошлангунгача ҳақни олдиндан тўламаган ёки яқуний ҳисоб-китобни ўз вақтида амалга оширмаган энергия истеъмолчиларига энергия бериш тўхтатилади;

тўлов муддати ўтган қарзи бўлган электр ва иссиқлик энергияси истеъмолчиларини узиб қўйиш ҳамда уларни қайтадан улаш бўйича харажатлар истеъмолчиларнинг ўз ҳисобидан қопланади;

электр ва иссиқлик энергияси истеъмолчиларининг "Ўзбекэнегро" давлат акциядорлик компанияси корхоналаридан 2003 йил 1 сентябргача вужудга келган қарзлари Ҳисоб-китоблар механизмининг такомиллаштириш ва бюджетга тўловлар интизомини мустақамлаш бўйича Ҳукумат комиссияси томонидан тасдиқланган жадваллар бўйича тўлаши керак.

4. Ҳисоб-китоблар механизмининг такомиллаштириш ва бюджетга тўловлар интизомини мустақамлаш бўйича Ҳукумат комиссияси бир ой муддатда:

истеъмолчиларнинг молиявий аҳолини ҳисобга олган ҳолда, электр ва иссиқлик

энергияси учун 2003 йил 1 сентябргача вужудга келган қарзларни;

"Ўзбекэнегро" давлат акциядорлик компанияси корхоналарининг бюджетга ва давлат мақсадли жамғармаларига тўловлар бўйича, ёқилғи ва темир йўл ташувлари учун қарзларини тўлаш жадвалларини тасдиқласин ва уларнинг бажарилишини қаттиқ назоратга олсин.

5. Энергия сарфи кўрсаткичларини бузиб кўрсатишдан ҳимоя қилиш ва узатиш тармоқларидаги электр энергияси йўқотилишини аниқлаш мақсадида "Ўзбекэнегро" давлат акциядорлик компанияси: истеъмолчиларда ўрнатилган электр ва иссиқлик энергиясини ҳисобга олиш приборлари кўрсаткичлари ҳар ойда ёзиб олинишини таъминласин, электр ва иссиқлик энергиясидан фойдаланиш қоидаларини бузувчиларга нисбатан тегишли жавобгарлик чораларини кўрсин;

электр тармоқларини ва электр энергиясидан фойдаланувчиларни электрон ва бошқа замонавий ҳисобга олиш приборлари билан қай-

та жиҳозлаш тадбирларини тасдиқлаш учун икки ой муддатда Вазирлар Маҳкамасига киритсин.

6. "Ўздавэнегоназорат" агентлиги ва "Ўзбекэнегро" давлат акциядорлик компанияси:

манфаатдор вазирликлар ва идоралар билан биргаликда икки ой муддатда электр энергиясини узатишда унинг магистрал ва тақсимлаш тармоқларида исроф бўлишининг йўл қўйиладиган чекланган нормативларини тасдиқласинлар;

қуввати 10 киловаттгача бўлган электр қурилмаларини электр тармоқларига улашда хўжалик юритувчи субъектларга соддалаштирилган талаблар тўғрисидаги низомни бир ой муддатда ишлаб чиқсинлар ва белгиланган тартибда тасдиқласинлар.

7. Ўзбекистон Республикаси Ҳукуматининг айрим қарорларига ўзгартириш ва қўшимчалар киритилсин.

8. Ўзбекистон Республикаси Адлия вазирлиги манфаатдор вазирликлар ва идоралар билан биргаликда бир ой муддатда:

амалдаги қонун ҳужжатларига мазкур қарордан келиб чиқувчи ўзгартириш ва қўшимчалар тўғрисида Вазирлар Маҳкамасига таклифлар киритсин;

идоравий норматив ҳужжатларнинг ушбу қарорга мувофиқлаштирилишини таъминласин.

9. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринбосари К. Тўлаганов зиммасига юклансин.

Вазирлар Маҳкамасининг
Раиси

И. КАРИМОВ.

Тошкент шаҳри, 2003 йил 5 август.

ЎЗБЕКИСТОН — ЕВРОПА ИТТИФОКИ: АНИҚ ТАКЛИФЛАР КИРИТИЛДИ

Ўзбекистон билан Европа
Иттифоқи (ЕИ) ўртасидаги
ҳамкорликнинг кенгайтириш
давоми этмоқда.

2002 йилнинг июль ойида Брюсселда адлия, ички ишлар, божхона ҳамкорлиги ва ушбу соҳага доир бўлган бошқа масалалар бўйича «Ўзбекистон — ЕИ» ёрдамчи қўмитасининг биринчи йиғилиши бўлиб ўтган эди. Мазкур биринчи йиғилиш асосан танишув аҳамиятга эга бўлган бўлса, Тошкентда ўтказилган иккинчи йиғилиш эса муаммоларни муҳокама этишга аниқ ёндашув хусусияти билан ажралиб туради.

Ёрдамчи қўмита йиғилишида уюшган жиноятчилик, миграция, божхона, чегараларни бошқарув, суд тизими ва деярлик бошқарув, террорчилик билан боғлиқ муҳим масалалар муҳокама қилинди.

Хусусан, Ўзбекистон томони ЕИ вакилларига мамлакатимизда ушбу соҳаларда амалга оширилаётган ишлар тўғрисида ахборот берди ҳамда ЕИ қўмағида амалга оширилаётган дастурларга баҳо берилди, муҳокама қилинаётган масалалар бўйича аниқ таклифлар киритилди.

«Жаҳон» АА.

махсулотларнинг 40,4 фоизи уларнинг улушига тўғри келади.

Фермер хўжаликларини ривожлантириш, уларни иқтисодий жиҳатдан барқарорлаштириш юзасидан кўрилатган чора-тадбирлар ўз самарасини бермоқда. Ўтган ярим йилда зарар кўриб ишлаб келган тўртта қишлоқ хўжалик корхонаси негизда 206 та янги фермер хўжаликлари ташкил этилди.

Йиғилишда эришилган ютуқларни қайд этиш билан бирга иқтисодий-ижтимоий ислохотларни амалга оширишда йўл қўйиладиган камчилик ва нуқсонларга, ички имкониятлардан тўлиқ фойдаланилмаётганига жиддий эътибор қаратилди. Хусусан, туманнинг

(Давоми. Боши 1-бетда).

ФАОЛЛАР ЙИҒИЛИШЛАРИ

ишлаб чиқариш салоҳиятидан тўлиқ фойдаланилмаётгани. Хусусийлаштириш ва хусусий мулкчиликнинг иқтисодиётдаги ролини ошириш, қишлоқ хўжалиги ва капитал қурилиш соҳаларидаги ислохотлар ҳали суст. Масалан, ярим йилда белгиланган учта объектдан икkitаси хусусийлаштирилмай қолди. Қишлоқда ишлаб чиқариш ва бозор инфратузилмалари тизимини кенгайтириш ишларини ҳам жадаллаштириш керак.

Умуман, барча шаҳар ва туманларда бўлиб ўтган фа-

оллар йиғилишида ҳам асосий эътибор иқтисодий-ижтимоий соҳаларни ривожлантиришда йўл қўйиладиган камчилик ва нуқсонлар, фойдаланилмаётган имкониятлар таҳлилига қаратилди. Иккинчи ярим йилликда ана шу камчиликларни бартараф этиш, шунингдек, вилоят фаоллари йиғилиши қарорларида белгилаб берилган муҳим вазифаларни амалга оширишнинг устувор йўналишлари белгилаб олинди.

Ўз мухбиришимиз.

КЎРГАЗМАГА МАРҲАМАТ!

2003 йил, 11-17
август кунлари
«Ўзбекенгилсаноат»
ДАК,
«Ўзбекчармпойабзали»
ва «Ўзбек ипаги» давлат
уюшмалари тизимидаги
саноат корхоналари
томонидан ишлаб
чиқарилаётган кузги-
қишки мавсумий халқ
истеъмоли молларининг
кўргазмали чакана
савдо ярмаркаси
ўтказилади.



Ярмаркага ўрта ва кичик бизнес субъектлари, хусусий тадбиркорлар, вилоятнинг улгуржи базалари, мулкчилик шаклидан қатъи назар барча савдо корхоналари ҳамда аҳоли таклиф этилади.
Манзил: Чирчиқ шаҳри, «Чирчиқ универмаги» биноси.
У. Юсупов кўчаси, 28«а»-уй.

Йигитларга ҳарбий либос ярашади

Ўзбекистон Республикасининг "Умумий ҳарбий мажбурият ва ҳарбий хизмат тўғрисида"ги Қонунига мувофиқ чақирув ёшдаги йигитлар ўқиш ва иш жойи сақланган ҳолда бир ойлик сафарбарлик чақирув резерви хизматида жалб этилмоқда.

Тошкент ҳарбий округининг навбатдаги йиғини Чирчиқ гарнизонида бошланди.

Шу муносабат билан бўлиб ўтган тадбирда ҳарбийлар, Тошкент шаҳар ҳокимлиги ходимлари, аскарларнинг ота-оналари, "Маҳалла", "Нуроний" жамғармалари, "Камолот" ёшлар иш-тимой ҳаракати вакиллари иштирок этди.

Мазкур хизмат турида йигитлар бир ой вақт мобайнида ҳарбий машғулотларда қатнашиб, қасамд қабул қилади, — дейди сафарбарлик чақирув резерви хизматчиларининг йиғин бошлиғи, подполковник Алишер Расулмухаммедов. — Уларга тажрибали офицерлар сафда ҳаракатланиш, қурол билан ишлаш, отиш, кимёвий қуроллардан ҳимояланиш сирларини ўргатади.

Пойтахт туманларидан келган 250 нафар йигит шу кунги илк бор эгиларига ҳарбий форма кийди.

(ЎЗА).

ЭРОН ТОВАРЛАРИ КЎРГАЗМАСИ

Ўзбекистон Ташқи иқтисодий алоқалар агентлигининг "Ўзэкспомарказ" республика савдо-кўргазмалар залида Эрон Ислам Республикасининг технологиялар, асбоб-ускуналар ва тайёр маҳсулотлар миллий кўргазмаси очилди.

Тадбирни ўтказишдан кўзланган мақсад икки мамлакат ўртасидаги иқтисодий алоқаларни янада кенгайтириш, ишбилармонлар ҳамкорлигида кичик ва ўрта бизнесни ривожлантиришдан иборатдир. Унда Эроннинг элиқдан ортиқ фирма ва компанияси чинни буюмлар, лакбўёқлар, қишлоқ хўжалиги маҳсулотлари, қурилиш материаллари, автомобилларнинг эҳтиёт қисмлари билан иштирок этмоқда. Бу эса хорижда Ўзбекистон бозорига қизиқиш тобора ортиб бораётганидан далолатдир.

(ЎЗА).

Аёл, Оила, Жамият



Тошкент вилояти хотин-қизлар кўмитасининг ойлик саҳифаси №2

ФАРЗАНДЛАР АРДОҒИДА

Кечки пайт Саломат аянинг ўғли билан келини фарзандларини етаклаб ўтиб қолишди.

— Ойимиз санаторийда, дам олишда эдилар, — деди Хилолаҳон, — кўргани борган эдик, сизга салом айтиб юбордилар.

— Саломат бўлсинлар эгачим, — деди Мехринисо ая, — сизлар ҳам қўша-қаринглр.

Ая уларни мамнун қузатиб қолди: «Шундай оила бузилиб кетишига бир баҳя қолган эди-я», — деган ўй хаёлидан ўтди унинг. Ўшанда Мехринисо ая мижозларга бефарқ қараб туролмади. Эгачиси билан узоқ фикрлашди. Икки ёш аҳил эканлигини, келин эрта-индин фарзандли бўлса, ўзгариши муқаррарлигини тушунтирди. Хилолаҳон билан алоҳида гаплашди.

— Тузсиз ош, урушсиз уй йўк, болам, — деди у. — Муроджон кишлоғимизнинг энг сара йигитларидан. Шундай ўғилни Саломатой тарбиялаган-ку?! Кексайганда кўнгли нозик бўлиб қолади, кишининг. Шунинг ҳисобга олинг-да, болам.

Ота-онаси бағрида ўсаётган жажжи болакайни кўрганида, Мехринисо аянинг кўнгли ёришиб кетиши шундан. «Қушнинг ҳам уяси бузилмасин», — деб қўяди онахон. Мана ҳозир улар-

ни кузатаётиб, хаёллари уни узоқ ўтмишга етаклади.

...Эри вафот этиб, бир этак бола билан қолган Мехринисо даставвал каловланди. Лекин ўғиллари учун у энди ҳам ота, ҳам она бўлиши кераклигини англади. Фарзандларини ҳалол боқиш учун кўлидан келган ҳамма ишни қилди, меҳнатдан қочмади. Экин-тикин қилиб, рўзгор тебратди. Йиллар бўлдики, етти қутигача ипак курти боқди. Бугун ая 27 неvara, 15 эvara ардоғида. Каттаю кичикнинг, кўни-қўшнисининг яхши кунларида бош-қош, ёмон кунларида мададкор.

Энг асосийси, фарзандлари ўзи орзу қилгандек, эл-юртда обрў-этиборли, оилапарвар инсонлар. Салимбой ва Норимбой уста деҳқон, фермер бўлишса, кенжатоғи Маннопбой Қибрай туманидаги «Лимонарий» хўжалигининг раҳбари.

Кеч бўлди... Қибрай туманининг «Маданият» ширкат хўжалиги «Ёнарик» маҳалласидаги энг фойдали оила жамулжам тўпланди. Мехринисо ая Юсупова ўғиллари, келинлари, набира-эваралари даврасида ўтирар экан, шу кунларга етиб келгани учун шукроналар айтади.

Зулҳумор ЖўРАЕВА.



СУРАТДА: Мехринисо ая набиралари даврасида Еркебой БОТИРОВ олган сурат.

СИЗЛАР БОРКИ, ОЛАМ МУНАВВАР

«Азиз ижодкорлар! «Тошкент ҳақиқати» газетасининг шу йил 3 июль сонини олиб, ўзимизда яхши бир қониқиш ҳосил қилдик. Ниҳоят, вилоятимиз хотин-қизларнинг чинакам бир минбари пайдо бўлибди. Севимли газетамиз саҳифаларида вилоят Хотин-қизлар кўмитасининг «Аёл, Оила, Жамият» саҳифаси пайдо бўлганлиги Оқкўрғон туманидаги Сегизбоев номли ширкат хўжалиги аёлларини ғоятда қувонтирди...»

Сўнги бир ой мобайнида «Тошкент ҳақиқати» таҳририяти ўз мухлис ва мухлисаларидан шу мазмунда кўплаб хатлар, мактублар олмоқда. Олиси-якин шаҳар ва туманларимиздан кўнгираклар бўлмоқда. Ушбу илова хусусида Тошкент телевидениесининг «Пойтахт» кўрсатувида ҳам илиқ фикрлар билдирилди.

Мухлисларимиз бу янги иловада нималар ҳақида кўпроқ ёзиш, серқирра ҳаётимизнинг қайси йўналишларига эътиборни кучайтириш, қандай янги рухлар очиш ҳақида биз — ижодкорлар учун ниҳоятда фойдали фикр-мулоҳазалар билдиришаётимиз. Баъзи хатларда маънавий ҳаёт, хотин-қизларнинг ҳуқуқий билимларини ошириш, уларнинг ҳақ-ҳуқуқларини ҳимоя қилиш масалаларига эътибор кучайтирилиши лозимлиги ҳақидаги фикрлар баён қилинса, бир гуруҳ газетхонларимиз ҳозирги дунё сиёсий воқеалари, унда хотин-қизларнинг иштироки, чет эллик аёллар ҳаёти тўғрисидаги мақолаларни ҳам чоп этишга эътиборни қаратмоқдалар.

Газетхонлар вилоят хотин-қизлар кўмитаси илова-нашрини қониқиш билан кутиб олганликларни кўриниб турибди. Бу оқила аёлларимиз, опа-сингилларимиз ҳаётда бефарқ эмасликларни, уларни мустақил Ўзбекистоннинг жўшқин ички ҳаёти ҳам, дунё воқеалари ҳам бирдек қизиқтиришидан далолат.

Табиийки, муштарийларимизнинг бундай муносабатлари биз — ижодкорларда ҳам мамнуният уйғотмоқда. Демак, биз кўпсонли муштарийларимиз, вилоят аёллари учун фойдали бир саъй-ҳаракатни бошлабмиз. Айни пайтда бу фаоллик таҳририятимиз аъзоларига алоҳида бир масъулият ҳам юклайди. Зеро, мамлакатимизнинг сиёсий ҳаётида, давлат ва жамият бошқарувида, маданият, илму фан, халқ таълими, соғлиқни сақлаш, спорт соҳаларида аёлларимизнинг ишти-

роки, уларнинг ўрни ва маъқелини мукамал ва тўлақонли ёритиб бориш осон эмас. Бу — бизлардан ижодий изланувчанлик ва юксак изчилликни талаб қилади.

Биз мамлакатимизнинг ёруғ келажаги, халқимизнинг фаровон, маънавий баркамол турмушини барпо этишдан иборат вазифаларни кўзда тутувчи дастурларни амалга оширар эканмиз, хотин-қизларнинг сиёсий ва ижтимоий фаоллигини ошириш, бу йўлдаги айрим сунъий ғов ва тўсиқларни бартараф этиш, янгиланаётган жамиятимизда уларнинг салоҳиятини тўлиқ намоён этишни бош мақсад қилганмиз. Шу маънода ушбу нашр бу вазифани адо этишда давлат ва нодавлат ташкилотлари, хусусан, хотин-қизлар кўмиталарининг энг таъсирли ёрдамчиси бўлиб қолади.

Ўз илова газетанинг нечоғли ўқишли бўлиши, ҳаётингиздаги ибратли саъй-ҳаракатлару ташаббусларни, ҳақ-ҳуқуқингизни бирон-бир қўринишда поймол этиш ҳолатларини турмушда дуч келган муаммоларингизни ҳалол, тўғри ва таъсирчан ёритиб бориши ўзингизга боғлиқ, азиз опасингиллар. Буни унутманг. Қувончу ташвишларингизни, қузатишларингизу мулоҳазаларингизни ўз газетангиз билан ўртоқлашинг. Мазкур нашрдан маслаҳат ва ёрдам олинг. У ҳаётдаги қизиқарли суҳбатдошингиз, ишончли кўмақчингиз, суянчингиз ва мададкорингиз бўлиб қолсин.

Таҳририят ижодкорлари эса, ҳамиша хизматингизда. Биз дунё гўзаллигини, ҳаёт қувончю шодликларини сизларнинг очик, дилбар чехраларингизда кўрамиз. Сизлар борки, бу ҳаёт маъноли, мазмунли, саранжом-саришта. Сизларнинг меҳрибон қалбларингиз ҳамиша тиниқ бўлиб қолиши, орзу-ниятларингиз рўёбга чиқиши учун биз — ижодкорлар ҳамиша камарбастамиз.

Мактубларингизни кутамиз, азиз муштарийлар!

Ҳар ким ўз тақдирининг эгаси

4-саҳифа:

Ҳуқуқий маслаҳатхона сабоқлари

ФОЙДАЛИ МУЛОҚОТЛАР

Тошкент вилояти Хотин-қизлар кўмитасининг халқаро ташкилотлар билан ҳамкорлиги кенгайиб бормоқда.

Жумладан, ЮНИФЕМнинг «Ўзбекистонда фуқаролик жамиятининг аёлларга бўлган зўравонликка нисбатан Гендер ҳиссиётини ошириш» лойиҳаси доирасида шаҳар ва туманларда маҳаллий ўз-ўзини бошқариш идоралари ва нодавлат ташкилотлар раҳбарлари, маҳалла оқсоқоллари учун учрашувлар, давра суҳбатлари, савол-жавоб кечалари ўтказилди. Бу тадбирларнинг иштирокчилари демократик фуқаролик жамиятини ташкил этиш жараёнларида Ўзбекистонда хотин-қизлар ҳуқуқларини мукамаллаштириш, она ва бола манфаатларини муҳофаза қилиш, ижтимоий-иқтисодий ҳаётда хотин-қизларнинг фаоллигини кучайтириш, оилавий зўравонликка барҳам бериш борасида кўп иш қилинаётганлигини алоҳида таъкидламоқдалар.

Хотин-қизларнинг меҳнат ва дам олиш ҳуқуқларини таъминлаш вазифалари ошқора мулоқотларда, айниқса, кенг ўрин эгалламоқда.

Бу тадбирларда вилоят ҳокимлигининг бўлим ва бошқармалари раҳбар ходимлари, жамоат ва нодавлат ташкилотлар раҳбарлари иштирок этиб, аҳоли ўртасида олиб бориладиган ташвиқот-тушунтириш ва тарбиявий ишларнинг моҳиятини муфассал очиб бермоқдалар. Аҳоли ўртасида Гендер ҳиссиётини тарбиялашга бағишланган бундай ошқора мулоқотлар Чиноз, Тошкент туманларида, айниқса, қизгин ўтди. Эндиликда шундай тадбирлар бевосита маҳаллаларда ўтказилмоқда. Хусусан, бугун Қуйичирчиқ туманининг Майдонтол ва Гул кишлоклари, Дўстобод шаҳридаги Охунбобоев номли маҳалла аҳолиси учун шу мавзудаги учрашувлар ташкил этилади.

Ўз мухбиримиз.

5-саҳифа:

Она Ҳакимжондан бошқа нарсаларни кутганди...

6-саҳифа:

Индонезия — минг бир ороллар мамлакати

Улар ҳақида кам ёзилади

ҚОНУН ҲИМОЯЧИСИ



**Одам борки,
ўз
тақдирининг
эгаси. Бу
дунёга
келиш бизга
боғлиқ эмас,
лекин
қандай яшаб
ўтиш ўз
эркимизда...**

Раҳимахон билан суҳбатлашиб ўтирибман-у, беихтиёр шундай мулоҳазалар хаёлимдан ўтаяпти. Бунинг сабаблари бор. Суҳбатдошим тинимсиз изланишлари, ўқиб-ўрганишлари билан ўз тақдирини яратаётган бир қиз. Бу ҳаётда ҳақиқатни қарор топтириш, ноҳақликни бартараф этиш унинг эзгу мақсадига айланган.

Тўғри, Раҳима буларни сўз билан асло эътироф этмайди. Лекин, қундалик иш рисолаши шундай, у фақат шу рисолаи ўзи учун қонунга айлантирган. Ҳатто, прокурор сифатида суд минбарида туриб, қонун номи билан ашаддий жиноятчи учун олий жазо берилишини сўраганида ҳам, ўзини шу рисола доирасида ҳисоблаб, хотиржам туриб гапирган.

Шахсий ҳужжатдаги илк қайддан: «Р. Курбонкулова саводли мутахассис, прокуратура органлари ишини муайян даражада ўрганиб, тушунган, виждонли. Барча топшириқларни ўз вақтида сифатли бажариб келмоқда. Жиний ишларни тергов қилиш, умумий назорат йўналишида текширувлар ўтказишда фаоллик билан қатнашиб келади...»

Лекин бундай малакани, салоҳиятни ўзида ҳосил қилгунича Раҳимахон не-не сиру синоатларни энгиб ўтмади. Дастлаб юридик техникумда ўқиди, Тошкент туман прокуратурасида иш ўрганди. Кейин Тошкент Давлат университетининг юридик факультетини имтиёзли диплом билан битирди...

Раҳимахон аниқ-аниқ гапирди. Бу хислати ҳам касбий кўникма. Тошкент туман прокурорининг катта ёрдамчиси, вилоят прокурорининг судларда фуқаролик ишлари кўрилиши чоғида прокурор ваколатини таъминлаш бўйича ёрдамчиси, Тошкент тумани прокурорининг ўринбосари лавозимларида ишлаб юрган йиллари ортирилган бу фазилат. Ахир, қанча-қанча судларда гапиршига, қонун ҳарфларига асосланиб, оқни-оқ, қорани-қора дейишига тўғри келмади дейсиз! Судларнинг ҳукмлари юзасидан раддиялар ёзиш-чи? Бу

ишлар фикрни ҳамиша ойдин тутиб, аниқ ифодалашни тақозо қилади-да.

Унинг ишга, ўз бурчига муносабатларини ойдинлаштирувчи мана бу маълумотномани олинг. У 1995 йилнинг 20 февралда ёзилган. Ўша кезлари у Тошкент туман прокурорининг ёрдамчиси эди. Хизмат бурчининг тақсмоти бўйича унга судда жиний ишларнинг кўрилишида прокурор ваколатини ва фуқаролик ишлари юзасидан суд қарорларининг қонунийлигини таъминлаш, қонунларни мужассамлаштириш ва тарғибот қилиш ишлари юклатилганди.

«У нафақат туман суди, балки вилоят судида ҳам жиний ишларнинг кўрилишида иштирок этиб, ўзининг қонунга асосланган хулосаларини беради. Суд томонидан чиқарилган ноқонуний ҳукм, ажрим ва қарорларга протест лойиҳаларини тайёрлаган. У давлат айбловини қувватлаган ва жиноят ишлари юзасидан хулосалар берган ишлар қўшимча терговга қайтарилмаган ва бекор қилинган эмас».

Шу тавсифномага биноан Раҳимахонга I-даражали юрист унвони муддатидан илгари берилган.

— Прокуратура ходими ҳам моддий, ҳам маънавий тўқ бўлиши керак, — мулоҳазаларини давом эттиради суҳбатдошим. — Шундагина у тойиб кетмайди...

Раҳимахон ўзи туғилиб ўсган қишлоғи, юрт, Ватанга меҳр ҳақида эҳтирос билан тўлқинланиб гапирди. Унинг меҳнат фаолияти билан таъминлаш чикқан киши буни тушунади. У ўзи туғилиб ўсган туманда прокурор ўринбосари даражасига бўлган вазибаларда ишлади. Бугун Келес томонларига ўтиб, у қандай ишлаганлигини бошига «иш» тушган кишилардан сўраб-суриштирсангиз, бу қизнинг фахрлини асосли эканлигини аниқлаб етасиз.

Ички телефон қаттиқ жиринглади. Гапидан прокурор қўнғироқ қилаётганлигини англадим. Раҳимахондан оилада ажралишларнинг ҳолатига оид тахлилий маълумотномани шошилиш тайёрлаб бериш сўралди. Курбонкулова «узр» дегандек бир қараб қўйди-да, тегишли хизматлар билан боғланди. Керакли маълумотларни тўплашга киришди.

— Ҳайронман, — дерди Раҳимахон телефон орқали гаплашиш орасида бугунги адабиёт муаммолари ҳақида гап бошлаб, — бир ҳикоя ўқиб қолсам, олдингисига ўхшаб кетаверади. Ўхшашлик кўп. Ўзигагина хос, бетакрор асарлар кам ёзилади.

Икки йилки, Раҳима Курбонкулова вилоят прокуратурасида фуқаролик ишлари кўрилиши бўйича прокурор ваколатини таъминлаш билан шуғулланаяпти. — Қандай фарқи бор? — деб сўрадим.

— Фарқи катта, — Раҳимахон бир дақиқа ўйланиб қолди. — Жиноят ишлари икки кодекс ва баъзи қонун ҳужжатлари доирасида кўрилади. Фуқаролик ишлари эса, инсон туғилишидан тортиб, унинг вафотидан кейинги ҳолатларни ҳам ўз ичига олади. 14 дан ортик кодекс бўйича иш кўрилади.

Суҳбатдошим хаёл суриб қолди. Кейин бошини бир силкитиб:

— Афсуски, кейинги пайтларда ака-укалар, опа-сингиллар ўртасида мерос бўйича аризабозлик кўпайиб бораёпти, — дейди. — Шу билан бирга ноқонуний келишув битимларининг суд томонидан қабул қилиниш ҳолатларига ҳам бот-бот дуч келаяпмиз. Бундай пайтларда прокуратура протест киритмоқда, албатта.

Раҳимахоннинг бу фикри менга бир маҳалла оқсоқоли билан суҳбатни эслатди:

— Билсангиз, одамлар майдаллашиб, икир-чикирларга ўралашиб қолишаётганга ўхшашади, — деган эди у. — Ака укага даъвогар, тоға жиёнга кенглик қилолмайди.

Боягина Раҳимахон прокуратура органларидаги айрим ходимларнинг ўз хизмати номуносиб хатти-ҳаракатлари ҳақида гапиргани ҳам бежиз эмас.

— Интилиш соғлом бўлса — яхши. Лекин таъма, порохўрлик ҳеч қачон ёруғликка чиқармайди. Аксинча, қашшоқлаштиради, маънавий тубанлаштириб бораверади.

Булар — адлия маслаҳатчиси Раҳима Курбонкулованинг фикрлари.

Жўрабек МУРОДОВ.

Савол беринг, жавоб оласиз

Пенсияга чиққунимча темир йўлда ишлаганман. Мен санаторийга бепул йўлланма олишга ҳақлиманми? Хусусан, темир йўллар тизими қарамоғидаги санаторийларда имтиёзли даволана оламанми?

**Ҳамида ҚУРБОНОВА,
Олмалиқ шаҳри.**

Ўзбекистон Республикаси Меҳнат ва аҳолини ижтимоий ҳимоялаш вазирлиги ижтимоий ёрдамни ташкил этиш бошқармасининг бош мутахассиси Н. Тўраева жавоб беради:

— Санаторийда даволашни хусусида шуни айтиш мумкинки, ишламайдиган ҳар бир пенсионер даволаш муассасасининг тавсияси асосида икки йилда бир мартаба маҳаллий ижтимоий муҳофазалаш хизматлари орқали санаторий-курорт йўлланмасини бепул олиши мумкин. Шуни эътиборда тутиш лозимки, йўлланма фақат мазкур ижтимоий таъминот хизмати шартнома тузган даволаш муассасасигагина бе-

рилади. Одатда шартнома касаба уюшмалари қарамоғидаги сиҳатгоҳлар билан тузилади.

Сизнинг хусусий ҳолатингизга келсак, одатда пенсионер ишлаб кетган идора бундай эҳтиёжларни қондиради, имтиёзли йўлланма ажратади ёки жиддий касаллик ҳақида гап борганида бемор учун зарур бўлган ҳар қандай даволаш муассасаси билан яқка шартнома тузишга эришиши мумкин.

Мен йигирма саккиз йил бир жойда узлуксиз ишладим. Ёшим улғайиши билан соғлигим ҳам ёмонлашиб бормоқда. Шу сабаб мен учун қисқартирилган иш вақти белгиланиши мумкинми?

**Умида АКБАРЛИЕВА,
Янгийўл шаҳри.**

Касаба уюшмалари Тошкент вилоят кенгашининг ҳуқуқшуноси Н. Ефимова жавоб беради:

— Ёшлари, саломатликлари, меҳнат шароитлари ёки хизмат вазибаларининг ўзига хослиги ҳисобга олиниб, ходимларнинг баъзи қатламларига меҳнат ҳақини камайтирмасдан қисқартирилган иш вақти белгиланиши мумкин.

Бундай ходимларнинг рўйхати Меҳнат кодексининг 116-моддаси 2-қисмида кўзда тутилган. Унга кўра, қисқартирилган иш вақти:

— ёши 18 га тўлмаган ходимларга;

— I ва II гуруҳ ногирони ҳисобланган ходимларга;

— 3 ёшгача болалари бўлган ва бюджетдан молиялаштирилган ташкилотларда ишловчи аёлларга;

— носоғлом меҳнат шароитларида меҳнат қилувчи ходимларга;

— алоҳида хусусиятли ишларда банд бўлган ходимларга белгиланади.

Шунингдек, амалдаги қонунларда байрам арафасида ва тунги меҳнат чоғида ҳамма ходимлар учун иш вақтини камида бир соат қисқартириш кўзда тутилади. Бу юқорида санаб ўтилган ходимларга ҳам тегишли.

Мен болалар уйда ишлайман. Йилига икки марта тиббий кўриқдан ўтамиз. Ҳаражатини ўз ҳисобимиздан тўлаймиз. Шу тўғрими?

**Роҳатой ҚОБИЛОВА,
Чирчиқ шаҳри.**

Йўқ, албатта. Ўзбекистон Республикаси Меҳнат Кодексининг 214-моддасига асосан иш берувчи меҳнат шартномасини тузиш чоғида дастлабки тарзда ва кейинчалик — иш давомида вақти-вақти ходимларни тиббий кўриқдан ўтказишни ташкил этади.

Меҳнат шароити ноқулай жойларда ишланаётганида дастлабки тарзда ва иш давомида тиббий кўриқдан ўтилиши зарур бўлган бошқа ишларнинг рўйхати ва уларни ўтказиш тартиби Ўзбекистон Республикаси Соғлиқни сақлаш вазирлигининг 2000 йил 6 июндаги 300-сонли буйруғи билан тасдиқланган.

Тиббий кўриқдан ўтишда ходимлардан ҳеч қандай пул олинмайди. Қонунга биноан ходим тиббий кўриқдан ўтишда қандай турдаги поликлиника хизматидан фойдаланишидан қатъи назар

чиқимдор бўлиши мумкин эмас. Мабодо, фақат хусусий поликлиникадан кўриқдан ўтиш юқори тиббий муассаса томонидан белгиланган (бириктирилган) бўлса, тиббий кўриқдан ўтиш билан боғлиқ барча ҳаражатлар тиббий кўриқдан ўтишга йўлланма берган муассаса томонидан тўланиши зарур.

Меҳнат Кодексининг 9-моддасига асосан муассасаларнинг касаба уюшма кўмиталари ва Ўзбекистон Республикаси Бош прокурори ва унга бўйсунувчи прокурорлар меҳнат тўғрисидаги қонунлар аниқ ва бир хил ижро этилиши ус-тидан назорат олиб борадилар.

Меҳнат Кодексининг 214-моддаси талаблари бажарилмаган тақдирда прокуратура органларига мурожаат қилишингиз мумкин.

Ҳабибахон умри шундай якун топишини асло ҳаёлига келтирмаганди. Кута-кута кўрган фарзанди Ҳақимжондан бошқа нарсаларни умид қилганди. Мана бугун қариялар ўзининг соя-салқин боғида, ўзининг ўн йиллик қадрдони — аравачасида ўтирганича ўша орзули кунларини, гўдак Ҳақимжонини бағрига босиб, эркалашлари, боланинг қийқириб кулишларини бир-бир кўз олдига келтирди.

У бахтиёр эди. Болалар уйида бирга тарбияланган Комилжон билан севишиб турмуш қурди. Эри заводда чилангар бўлиб ишлар, топиш-тутиши яхши. Ҳабиба мактабда ўқитувчи. Дам олиш кунлари гоҳ театр, гоҳ Чимён сайлларига боришарди. Кунлари шу зайлда хушнуд, хушвақт ўтарди.

Аммо, кутилмаганда бошига бахтсизлик тушди. Эрта билан ўйнаб-кулиб заводига жўнаган Комилжон иш вақти тугамасидан бир аҳволда уйга кириб келди.

— Бўшашиб кетаяпман, — деди секингина.

Ҳабибанинг ўша куни мактабда дарси йўқ, уй юмушлари билан овора эди. Комилжоннинг оппоқ рангирўйини кўрди-ю, югургилаб қолди.

«Тез ёрдам»ни чақириб, касалхонага олиб борди. «ТошМИ»га ётқизишди. Туни билан докторлар Комилжоннинг ҳаётини сақлаб қолиш учун оёқда тик туришди. Аммо, ҳарна қилишса ҳам, ҳароратни тушира олишмади...

«Эҳ-ҳе!» Ҳабибахон нималарни бошидан кечирмади Комилжондан кейин! Лекин, тишини тишига қўйди. Ҳақимжон ўқисин, одам бўлсин деб, совуқ демади, иссиқ демади, чарчадим демади,

ҚЎМИТА ТАШАББУСИ БИЛАН

Ҳар бир жамиятда аёлнинг ўрни, уларнинг мавқеи алоҳида бўлиб келган. Айниқса, оила фаровонлиги, фарзандлар камолотида аёлларнинг хизмати таҳсинга сазовор. Аммо, кейинги пайтларда аёллар билан боғлиқ ноқобил хатти-ҳаракатларнинг юз бераётгани барчани ташвишга солмоқда.

Хусусан, оилаларнинг барбод бўлаётгани, фарзандларни тирик етим бўлиб қолиши, вояга етган қизлар ўртасида турли нохуш воқеаларнинг юзага келиши ва бошқа кўнгилни хира қиладиган ҳодисалар шулар жумласидандир.

Қуйичирчиқ тумани хотин-қизлар қўмитаси ташаббуси билан уюштирилган тадбир ҳам ана шундай кўнгилсиз ҳолатларнинг олдини олишга қаратилган эди.

«Аёл ва оила» мавзусида бўлиб

ўтган ушбу тадбирда туман аёллари, вояга етмаган қизлар иштирок этдилар. Аёлларнинг оила ва жамиятдаги мавқеи, қизлар тарбиясида оналарнинг ўрни, бугунги кунда хотин-қизлар ўртасидаги муаммоларнинг сабаблари хусусида қизгин мулоқот бўлди.

Ёкутой **РАҲИМЖОНОВА.**

ниб келадиган одат чиқарди. Бир куни айвонда жунжикиб ўтирганича мудраб қолибди. Баланд овоздан уйғониб кетди. Шанги келининг сўнги сўзлари қулоғига чалинди:

— ...ўлиб бўлдим!

СОҒИНЧ

икки-уч жойда ишлади...

Беихтиёр мижжалари наманганини сезди. Дағаллашиб қолган қўли билан кўз ёшларини артиб, кўзларини юмди.

Аммо, ўша югуриб юрган кунлари ҳам баҳарнов экан, келин олганидан кейинги кўргуликлари олдида. Тўйдан кейин Ҳабибахон ётиб қолди. Орада икки ой ўтиб, уни касалхонадан ногиронлар аравачасида олиб чиқишди. Дастлабки пайтлари келини қошдан қовоқ учирмади. Ўғли ҳам атрофида гиргиттон эди.

Лекин, бу узоқ давом этмади. Бора-бора Ҳабибахон аравачасида уззу-кун айвонда қолиб кетадиган бўлиб қолди, тез-тез бетоб бўла бошлади. Келин бўлса, ошхонадами, уйдами, юмуш билан овора, чой дамлаб, олдига қўйиб кетишни ҳам унутта бошлади. Чақирса, оғри-

— Нима қил дейсан, ахир? — шивирлагандек бўлиб сўради Ҳақимжон.

— Айтганман неча марта, — ёқимсиз оҳангда яна бир нима деганича келин тескари қараб кетди.

Шу кеча Ҳабибахон қатъий қарорга келди. Эрта билан салом бериб кирган ўғлига:

— Болам, сени ҳам қийнаб қўйдим, кел, хўп дея қол, — деди. — Обориб қўй мени, ўша қариялар уйига.

Ҳақимжон тиззалаб ўтириб қолди:

— Нималар деяпсиз?!

— Олиб бор, болам, — энди Ҳабибахон қатъийроқ гапирди. — Ахир, нима қиласан, ўзингни бунчалик қийнаб?

— Албатта-да, — хонага келин кириб келди, — сиз ишингизда хотиржам бўласиз. Мен — илмий ишимни тугатаман. Ойимларга ҳам яхши бўлади у жойда.

Ҳақимжон ер чизиб қолди. Ҳалиги изтиробидан асар ҳам қолмагандек эди.

Мана, Ҳабибахон қариялар уйига келганига ҳам беш ой бўляпти. Бу орада қорлар эриб, ёмғир мавсуми ўтиб, яна атиргуллар чамандек очилиб, райхонлар ҳид таратиб қолди. Аммо, Ҳақимжондан дарак йўқ. Дастлабки кезлари икки-уч келди. Кейинги келишида: «Тижорат қиляпман, бозордаман, — деди. — Келинни кеча Бишкекка жўнатдим, мол олиб келди». Шунга ҳам уч ойлар бўлиб қолди... Тинчмикин?... Омон-эсонмикин?..

— Ҳа, ая, сизга нима бўлди?

Соя-салқин йўлкада ҳамшира қиз Сожидахон зипиллаб келарди.

— Ўзим, — деди Ҳабибахон кўзларидаги ёшни артиб.

— Хафа бўлманг, аяжон, — Сожида аравачани кўзгатди. — Залга кирамиз. Концерт бошланяпти. Ҳофиз келганлар.

Ю. ЖУМАНИЕЗОВ.

БУ САФАР ЧИНОЗДА

«Соғлом авлод учун» жамфармасининг Чиноз тумани таянч пункти ҳамда туман тиббиётчилари ҳамкорликда чинозлик 100 дан зиёд вояга етган қизлар ва туғиш ёшидаги аёлларни тиббий кўриқдан ўтказишди.

Аниқланган хасталиклар бўйича муолажалар белгиланди, шифохоналарга йўланмалар берилди, кам таъминланган оилаларга эса зарур доридармон воситалари тарқатилди.

Бундан мақсад бугун аёллар ўртасида учраётган хасталикларнинг олдини олиш, уларнинг соғликларини тиклашларига, энг асосийси туғилажак болаларнинг соғлом ва бақувват дунёга келишларига кўмаклашишдир.

Рустам ХОЛИҚОВ.



Сол барибир муқаддасан, муқаддас аёл. **В. ХОЛИҚОВ** суратлашгани.

АЛЛОМАЛАР АЁЛ ВА СЕВГИ ҲАҚИДА

- ◆ Миллат келажаги — оналар қўлида. **О. БАЛЬЗАК.**
- ◆ Қиз боланинг жамики бойлиги — унинг номуси, бу бойлик ҳар қандай меросдан ҳам қимматлидир. **В. ШЕКСПИР.**
- ◆ Табиат аёлга шундай дейди: уддасидан чиқсанг гўзал бўл, хоҳласанг оқила бўл, аммо идрокли бўлмоғинг шарт. **П. БОМАРШЕ.**
- ◆ Аёл — буюк сўз. Унда қизлик мусаффолиги, дўстга хос фидойилик, она жасорати мужассамлашган. **Н. НЕКРАСОВ.**
- ◆ Муҳаббат шунчалар қудратлики, у ҳатто бизни қайта ярата олади. **В. ДОСТОЕВСКИЙ.**
- ◆ Севиш — дунёдаги барча яхшиликларни севган одамнингта раво кўриш ва унга ато қилиш деганидир. **АРИСТОТЕЛЬ.**
- ◆ Аёлларни севинг ва иззат қилинг, улардан фақат юпанч эмас, балки илҳомингизга куч, маънавий ва ақлий қобилиятларингизни икки баравар оширувчи қудрат ахтаринг. **Ж. МАДЗИНИ.**
- ◆ Муҳаббат қизамиққа ўхшайди. Қанча кеч келса, шунча хавфли бўлади. **Д. ЖЕРРОЛЬД.**
- ◆ Муҳаббат эхтирослар ичида энг кучлисидир, негаки, у бирваракайига ҳам ақлни, ҳам юракни, ҳам вужудни эгаллайди. **Ф. ВОЛЬТЕР.**
- ◆ Тўсиқлардан кўрққан севги севги эмас. **Д. ГОЛСУОРСИ.**

ЗАРКЕНТ ГИЛАМЛАРИ

Паркент туманининг Заркент қишлоғида гилам цехи барпо этилди. Қишлоқ қизларининг 25 нафари иш билан тийминланди. Касб сирларини хоразмлик гиламдўзлар

ўргатишди. Цех жамоаси қисқа муддатда бир дона паттилам, бир дона палос тўқиди.

Ш. ЭРКАБОВ.

Оқил ота почтасидан

Икки норасида гўдак билан қолдим. Оталари ишдан бўшаб қолганди. Бизни ташлаб кетди. Бир йилки, ота-онаси билан яшайди. Беихтиёр: «Нима, сизнинг топиб келганингизни еяпмизми?» — деб юборганим шу ҳолга олиб келди. Айтинг, нима қилай?

С. В., Келес.

ЎЙЛАБ ГАПИРГАН МАЪҚУЛ

Оқил отанинг жавоби: Кутинг. Лекин, чўзмай ўзингиз у кишидан узра сўранг. Сезишимча, эрингиз виждонли йигит кўринади. Астойдил айбингизга иқроор бўлсангиз, кечиради.

Унутмангки, айтилган сўз — отилган ўқ. Кўпинча яраси бир умрга татийди. Икки фарзанд кўрибсиз, демак, эрингиз эсли-хушли йигит. Фақат орияти кучли. Фарзандларингиз ҳақи-хурмати, узра сўраш, ялиниб-ёлвориш — сиздан. Вақтинча ишламай қолган бўлса, дарҳол бетга чопиш яхшимас.

САБРИНИНГ ТАГИ ОЛТИН

Ёлғизгина қизим уйимга кўз ёши қилиб келди. Айтишича, қайинсингиллари ўтирса — ўпоқ, турса — сўпоқ дермиш. Эрига айтса, ўзларингиз келишиб олинглар, дермиш.

Ҳабиба, Қибрай тумани, Ёнариқ қишлоғи.

Оқил отанинг жавоби: Қизим Ҳабибахон, куёвингиз нима қилсин, ахир? Сингиллари билан уришсинми? Ҳозирги ҳолатда ўзини шундай тутгани маъқул.

Ёзишнингизга қараганда, қизингиз «ёлғизгина». Демак, эркатой бўлиб ўсганлиги шубҳасиз. Маслаҳатим шуки, қизингизга ётиги билан тушунтиринг, янги оиласига кўниксин. Бу кўникишига қайинсингиллар билан муросаи мадора ҳам киради. Зийракрок, чакқонрок, эпчилрок, орастарок бўлса, олам гулистон.

НИМА ЧОРА КўРАЙ?

Қизим ўн олтига қадам қўйди. Шу кунларда алланечук — қулоғига гап кирмайдиганроқ, сўзларни уқмайдиганроқ бўлиб қолаяпти. Онаси: «Хой овсар!» ёки «Мен сенга гапиряпман, анқов!» ва яна «Хой без, менга қара деяпман!» деб овоз кўтарса, бир сесканади-ю, қараб тураберади. Уйлай-уйлай уйимнинг охирига ета олмаяпман. Гулнора тўнғич қизим, онаси унга қаттиқ гапирса, сингиллари Лола билан Барно олазарак бўлиб қолишади.

Ҳурматли Оқил ота, нима қилай? Қандай чора кўрсак, Гулноранинг бу ҳолатида ўзгариш бўладими?

Ҳошимжон Қодиров, Бўстонлиқ тумани, Товоқсой қишлоғи.

Оқил отанинг жавоби: Иним Ҳошимжон, афтидан, тўнғичингиз ўтиш босқичида. Балоғатга етиш кезлари қиздир-ўғилдир хиёл хаёлпарастрок, «қулоғига гап кирмайдиганроқ» ҳолатларда бўлади. Бундан асло хавотирланиш керак эмас.

Лекин, рафиқангиз муомаласини ўзгартирсин. Шу босқичда фарзандни тушунишга ҳаракат қилиш, муомалада мулойим бўлиш, имкони борича қизнинг

ҳолатларини «пайқамаслик» лозим. Панҷ-насихат қилман деб, ортиқча безиллатиб қўйиш яраммайди. Ўз ҳолига қўйиб беринг, ҳатто сездириб меҳрибончилик ҳам қилманг.

Қисқаси, қиз бамисоли бир гул. Ортиқча «пуф-пуф»лаш ҳам, ҳаддан зиёд таъкидлар ҳам фақат зарар келтиради.

Эҳтиёт бўлинг, қараб-тергаманг. Қўйиб қўйинг, вақти-соати билан ўзини ўнглаб олади.

Янги рукн: «Хамдўстлик» клуби

Ўз мустақиллигининг ўн икки йиллигини нишонлаётган республикаимиз хотин-қизларининг чет эллик дугоналари, бошқа мамлакатлар хотин-қизлар ҳаракати ва ташкилотлари аъзолари билан алоқалари ҳам кучайиб бормоқда. Уларнинг ҳаёти, фаолияти билан танишмоқдалар, ўзаро тажриба алмашмоқдалар. Ўтган йили бу борадаги ишларни янада жонлантириш мақсадида Тошкент вилояти ҳокимлиги қошида 2002 йилда хотин-қизлар кўмитаси ташаббуси билан «Хамдўстлик» аёллар клуби ташкил этилди. Клубда хорижий мамлакатлардаги маънавий ҳаёт, ижтимоий турмушда аёлларнинг ўрни, уларнинг тажрибаларини ўрга-

ниш билан бирга республикаимиз, вилоятимиз хотин-қизларининг ҳаёти, фаолияти, турмуш тарзи, урф-одатлари, аъналари ва изланишларини тарғиб қилишга бағишланган машғулотлар иштирокчиларда катта қизиқиш уйғотмоқда. Ҳозирда клубга аъзо хорижий мамлакатлар сони ўн бештага етди.

Тахририят шуни ҳисобга олиб, «Аёл, Оила, Жамият» саҳифаларида жаҳон мамлакатлари, уларнинг ижтимоий ҳаётида хотин-қизларнинг ўрни, миллий урф-одатлари билан таништириб боришни режалаштирди. Бугунги биринчи ҳикоямиз — Индонезия Республикаси ҳақида.

Чехрасида майин жилмайиш порлаб турувчи Президент катта-кичик анжуманларда пайдо бўлишини орзиқиб кутишади. У кўзга ташланиши ёки минбарга кўтарилиши билан минглаб кишилар олқишлаб кутиб олишади. Халқ мана шундай илиқ муносабати билан мамлакат Президентини — ўз қизини алқашини, уни ҳурмат қилиши ва севишини намоён этади.

Бугун ўз саъй-ҳаракатлари билан кенг жамоатчилик ҳурмат-эътиборини қозонаётган бу аёл — Индонезия Республикасининг Президенти Дiah Пермата Мегавати Сукарнопутри хонимдир. Бу йирик сиёсий ва давлат арбоби 2001 йилнинг 23 июлида Президент лавозимини эгаллади. Минг бир ороллар мамлакатини — Индонезия халқлари уни алқаб «Бизнинг Мегавати» деб юришади. Унинг давлат бошқаруви олий раҳбари даражасига кўтарилиши поғоналари қизгин кечди.

Мегавати Президент Сукарно ва мамлакатнинг биринчи хоними Фатмавати оиласида 1947 йилнинг 23 январидида дунёга келди. Мамлакат мустақиллиги ва бирлиги учун кураш ҳал қилувчи босқичга кўтарилган кезлар эди. Лекин, кўчиб-улоқиб юришлар Адис, — Сукарно Мегаватини эркалаб, Адис яъни қизалогим деб қақирарди, — тарбиясига таъсир кўрсатмади. У акаси Гунтур ва опалари Рашмавати ҳамда Сукмавати билан бирга Мердек давлат саройи худудидаги мактабда таълим ола бошлади. Бу мактабда амалдорлар, боғбонлар, ҳайдовчи ва уй хизматчиларининг фарзандлари бирга ўқишарди. Сукарно фарзандлари болаликдан авом халқ ҳаёти, орзу-интишларини ҳис қилиб ўсишларини талаб қиларди.

Адис тиниб-тинчимас қиз эди. Уйга бирон меҳмон келиб қолса, рақс тушишни ёқтирарди. Камтар, доимо кулиб юрвчи бу қизни ҳамма тенгдошлари ёқтиришар ўзининг юмшоқ кўнгиллиги, камтарона, ғамхўр фазилати билан уларнинг тўла ишончини қозонганди. У турли ўйинлар-

МЕГАВАТИ — МИЛЛАТ РАМЗИ



Юмшоқ, майин хислатли, доимо кулиб юрвчи бу аёл қийинчиликлар ва муваффақиятсизликларни чидам, сабр-тоқат билан енгиб ўтиб, ўз мақсадига эришди.

ни ўйлаб топишга уста эди. Сукарно миллий бирлик ва мамлакат яхлитлиги гоёларини фарзандларига болаликдан сингдирди. У Мегавати онгига ўз гоёларини сингдириб, унинг шахс сифатида шаклланишига таъсирини кучайтириб борди. Бу ҳол қиз акаси Гунтур билан бошланғич мактабда ўқиётган кезларида ҳам давом этди. Бо-

лаларни ижтимоий ҳаётга тайёрлашда, улар кенг фикрли, уквули инсонлар бўлиб етишишига алоҳида эътибор беришарди. Лекин, Мегавати отаси сингари жўшқин нотиқ бўлолмади, опасингиллари каби авом олдида ҳам бот-бот пайдо бўлавермади. Унинг юмшоқ, майин хислати одамларнинг дард-аламларига дарҳол жавоб беришга, улар

билан ҳамдард, ҳамфикр бўлишга чорларди. У ўз фикрларини қизгин химоя қила оларди. Сиёсий, миллий ва халқаро жиҳатларда тажрибали ота тарбияси бунда ҳал қилувчи ўрин тутди. Сукарно қизига турли муаммоларни, ички ва ташқи воқеаларни чуқур шарҳлаб берарди. Айни пайтда Мегавати онасидан қийинчиликлар ва муваффақиятсизликларни сабр-тоқат билан енгиб ўтиш, чидамли бўлиш, ўз хатти-ҳаракатини назорат қилиб бориш фазилатларини ўзига олиб ўсди. Мактабда ўқувчилар одамларга ғамхўрлик, Аллоҳни, мамлакатни ва миллатни севиш руҳида тарбияланарди.

Мегавати кейинчалик қишлоқ хўжалик ва психология мактабларида ўқиди. Лекин уларни тугатмади. Чунки, бу пайтда отаси оғир дардга чалиниб қолганди. Бироқ, бу ҳолатлар унинг шахс сифатидаги камолотига, миллати ва қобилиятларини ошириб боришига заррача таъсир кўрсатмади. У дўсту душманни зийрак фарқлар, Индонезияда демократия тамойиллари тантанаси учун курашларда қатъият кўрсатарди.

Ўтган ҳаёти мобайнида Мегавати уч марта турмуш қилган. Биринчи эри — учувчи Суридо Жупжарсо авиация фалокати натижасида ҳалок бўлган. Мисрлик ёш дипломат Ҳасан Жамол Аҳмад Ҳасан билан қурилган иккинчи турмуш эрининг ота-онаси талаби билан икки ҳафтадан кейин барҳам топди.

Вақт энг яхши даво, дейдилар. Мегавати ҳам вақти-соати келиб, ўзининг чинакам бахтини топди — Жанубий Суматра оролида туғилган Индонезия миллий студентлар ҳаракати фаолларидан бири Тавфиқ Киемасга турмушга чиқди. Тавфиқ Мегаватининг сиёсий фаолиятини қўллаб-қувватлайди.

— Менинг орзуим — Индонезия гуллаб-яшнаса, — дейди Мегавати. — Барча инсонлар фаровонлик неъматларидан бирдек баҳраманд бўлишса. Яхши, адолатли бошқарувгина бу орзунинг рўёбга чиқариши мумкин.

Шу тариқа Мегавати — бирлашиш, миллат интилишлари ва орзу-умидларининг рамзига айланди.

● Ҳозирги пайтда Индонезияда 320 та кўриқхона ва табиий-миллий боғ мавжуд.

● Оролларда 40 дан зиёд учмайдиған, манзарали қўшларга дуч келасиз.

● Индонезия ҳайвонлар дунёси ниҳоятда бой. Оролларда филлар, йўлбарслар, маймунлар ва каркидонлар кўп учрайди.

● Турли оролларда 6000 хилга яқин ўсимлик бор.

● 1928 йил 28 октябрда турли этник ғуруҳларга мансуб индонез ёшлари ягона она замин — Индонезия, ягона миллат — индонез миллати, ягона бирлашган тил — индонез тилига садоқат қасамини қабул қилишган.

● Президент ҳам давлат, ҳам ижро ҳокимияти раҳбари ҳисобланади.



● Тинч ва Ҳинд уммонлари туташ жойда ўрнашган Индонезия Осиё ва Австралия ўртасида кўприк вазифасини ўтайди.

● Индонезия Республикаси 5193250 квадрат километр майдонни эгаллайди. Унинг 3166163 квадрат километри — денгизлардан иборат.

● Куруқлик 300 оролдан иборат. Су-матра, Ява, Калимантан, Борнео, Сулавеси ва Папуа — энг катта ороллар.

● Нам тропик ўрмонлар билан қопланган оролларда ҳаракатдаги ва «тинч» вулқонлар кўп. Фақат Ява оролида 112 вулқон ҳавзаси мавжуд, уларнинг ҳар ўнинчиси вақти-вақти билан ҳаракатга тушиб туради.

МИНГ БИР ОРОЛЛАР МАМЛАКАТИ



ЎЗЛИКНИ АНГЛАШ



Индонезияда эркаклар билан аёлларнинг тенглик тамойили «Панжа шила» — беш қоидага асосланади:

— турмуш ва ривожланишнинг барча соҳаларида аёллар ва эркаклар ҳуқуқлари, мажбуриятлари ва имкониятларининг тенглиги;

— оила ва жамиятда аёлнинг уйғунлаштирувчи ўрни;

— аёл нуфузини ҳурматлаш ва унинг алоҳида биологик белгиларини — она бўлиш хусусиятини химоялаш;

— тараққиётда кенг иштирок этиш учун қулай ижтимоий-маданий муҳитни ривожлантириш ва аёллар қобилиятини бойитиб бориш;

— нодавлат ташкилотларда фаол иштирок этиш.

ХОТИН-ҚИЗЛАР ТАШКИЛОТЛАРИ

● Индонезия вакили 1992-1993 йилларда Хотин-қизлар мақоми бўйича БМТ Комиссиясининг раис ўринбосари қилиб белгиланди.

● Индонезия Хотин-қизлар конгресси — КОВАНИ 1932 йили ташкил этилди. У хотин-қизларнинг 64 миллий ташкилотини ўз ичига олади.

● КОВАНИ — 1981 йилдан буён АСЕАН Хотин-қизлар ташкилотлари конфедерациясининг аъзоси.



● Дарма Ванита — Индонезия фуқаро хизматчилари аёлларининг ташкилоти бўлиб, давлатнинг саводсизликни тугатиш, оилани режалаштириш, соғлиқни сақлаш, озик-овқат ва атроф-муҳитни муҳофаза қилиш каби ижтимоий дастурларни қўллаб-қувватлайди.

● Индонезияда қуроли кучлар ходимлари аёлларининг тўрт ташкилоти таълим ва ижтимоий фаровонлик масалалари билан шуғулланади. Улар Дарма Партивига уюшган.

● Индонезияда Хотин-қизлар ҳуқуқлари бўйича вазирлик фаолият кўрсатади.

● Мамлакатда жинслар ўртасида тенглик ва адолат масалаларини мувофиқлаштирувчи ахборот ва таълим дастури қабул қилинган.

Истеъмолчи ҳуқуқлари муҳофазада

Агар эътибор берсангиз, сўнги ойлarda дўконлар растасидан асосий озиқ-овқат маҳсулотларининг муддати ўтганлари, истеъмол учун яроқсизлари йўқола бошлади. Охириги икки-уч ой ичида вилоятимизда яроқсиз озиқ-овқат маҳсулотларини аниқлаш анча жонланди.

ХАРИДИНГИЗ СИФАТИГА КИМ КАФИЛ?

Бу Вазирлар Маҳкамасининг «Истеъмолчилар ҳуқуқларини ҳимоя қилишда жамоатчилик иштирокини кенгайтириш чора-тадбирлари тўғрисида»ги қарорининг ижроси билан боғлиқ. Унга кўра, кенг жамоатчилик – вилоят истеъмолчилар ҳуқуқларини ҳимоя қилиш жамиятлари фаол ишга киришди. Қарор истеъмолчилар манфаатини, уларнинг ҳуқуқларини ҳимояловчи ва кафолатловчи муҳим ҳужжат бўлиб қолди.

Биринчи навбатда, жамиятларимиз ўз эътиборларини озиқ-овқат маҳсулотларининг сифатини ўрганишга қаратмоқдалар.

Улар томонидан истеъмол маҳсулотларининг сифати ва хавфсизлиги юзасидан ўтказилган мониторинглар натижаси ишлаб чиқарувчи, сотувчи ва хизмат кўрсатувчилар томонидан ҳаммиш ҳам тан олинмаяпти. Алалхусус, улар қонунчилик талабларига зид равишда дўконларда сифатсиз маҳсулотлар билан олди-сотди қилишяпти. Жумладан, вилоятимиздаги айрим дўконларда салқин ичимликлар яроқлилик муддати, ишлаб чиқарилган санаси кўрсатилмаган ҳолда сотилаётганлиги аниқланди. «Солиев» хусусий фирмаси ишлаб чиқарган «Элитний», «Зарафшон», «Апельсин», «Зеленое яблоко», «Зарихтер» хусусий корхонаси ишлаб чиқарган «Мачик-кола» салқин ичимликлари ва бошқалар шулар сирасидан.

Аниқланаётган камчилик ва нуқсонлар ўз ечимини топмоқда. Ангрен шаҳрининг, 15/21-дахасидаги 9-уйда яшовчи бир гуруҳ фуқаролар ариза билан жамиятга мурожаат қилишган. 2002 йилнинг режасида бу уй тўлиқ таъмирлашни кераклиги аризада кўрсатиб ўтилган. «Лирик» фирмаси томонидан таъмирлаш ишлари бошланган, барча иситиш тизимлари қирқилган, лекин хомашё йўқлиги сабабли иш тўхтатилган. Натижада истиқомат қилувчиларнинг уйи киш бўйи иситилмаган. Фақат жамият аралашганидан сўнг, таъмирлаш ишлари охирига етказилиб, уй киш мавсумига тайёрлаб қўйилди.

Баъзида бозорларда айрим нопок тадбиркорлар ўзлари манфаат кўриб, виждонсизлик билан истеъмолчиларга зарар етказмоқда. Масалан, муддати ўтган колбаса, болалар овқати, макарон сотувга чиқарилмоқда. Таркибида жигарни парчаловчи госситол ва бошқа моддалар мавжуд маҳсулотлар сифатсиз ҳамда инсон ҳаёти учун хавфлидир.

Кейинги пайтда вилоятимизнинг туман ва шаҳар ИХХҚ жамиятлари фаоллари, монополиядан чиқариш ва рақобатни ривожлантириш бошқармаси ҳамда ҳўжалик судлари озиқ-овқат маҳсулотларининг хавфсизлиги ва сифати бўйича ўтказилган мониторинглар натижасида тўпланган ҳўжатлар кишини ҳайратга солади. Шунга айтиш керакки, ўз камчиликларини тан олмаган тадбиркорлар ўз ишига ноқонуний аралашишда ИХХҚ ходимларини айблаб бошладилар.

Истеъмолчилар ҳуқуқларини ҳимоя қилиш жамиятлари назорат органи ҳисобланмайти ва у савдо марказларининг молиявий ва ҳўжалик фаолиятига аралашмайди, фақат истеъмол маҳсулотининг сифат ва хавфсизлигини кузатади.

Шунга таъкидлаш мумкинки, истеъмолчилар ҳуқуқларини ҳимоя қилиш жамиятлари аниқлаган қонунбузарлик ёки мониторинг натижасини бекор қилиб бўлмайди. Чунки, бу билан муаммони ҳал этишга тўсқинлик қилинади, холос. Эндиликда, мониторинг билан жуда катта истеъмолчилар оммаси шуғулланади.

Ҳеч қандай четдан бўладиган босим, қўрқитиш, тўсиқ, панд беришлар, истеъмолчилар ҳуқуқларини ҳимоя қилиш йўлидан жамоатчиларимизни қайтара олмайди. Уларга кенг ваколат берилган. Демак, бу ҳаракатчанликдан наф қутилмоқда. Шу сабаб фаол ишлаш лозим.

Камолжон ШОДИМЕТОВ,
Тошкент вилоят истеъмолчилар ҳуқуқларини ҳимоя қилиш жамиятлари ҳудудий бирлашмаси раиси.

Очиқ усулда кўмир қазиб чиқарилаётган Упартоғ қонида иш ҳажми кенгайиб, кон устини очиш, ёқилги қазиб чиқариш кўпаймоқда. Уларни ташишнинг асосий оғирлиги эса «БелАЗ кўмир» автосаройи жамоаси зиммасига юклатилган.

Корхонада асосан кўп юк ташишга мўлжалланган автоуловлар ишлатилаяпти. Бу ерда кўзови 110 тонна сўғимга эга бўлган автомашиналар ҳам бор. Улар билан ҳар куни қондан бир ярим минг тонна кўмир ва уч минг куб метр тоғ жинслари ташиляпти. Яқинда корхона яна

Таҳририятга мактуб

МУАММО ҲАЛ БЎЛАРМИКАН

бир туркум «БелАЗ» автомобилларини олди. Ҳар бири 30 тонна юк ташишга мўлжалланган бу транспорт воситалари унинг ишлаб чиқариш қувватини сезиларли даражада оширишга олиб келди. Жамоада 260 нафар ишчи-хизматчи ишлайди, улардан 150 киши оғир юкли автоағдаргичларни кун ора 11 соат давомида бошқаради. Транс-

портчилар бу ерда овқатланиш учун имконият йўқлигидан қийналмоқдалар. Бир вақтлар қурилиши бошлаб қўйилган ошхона-чойхона биноси чалалигича ётибди. Уни қуриш ишлари охирига етказилиб, фойдаланишга топширилса, ишчилар учун қулайлик яратилган бўларди.

Теша ШЕРАЛИЕВ.

Лангарлик Ҳалилполвонни Тошкентдек шаҳри азимда ким танимапти дейсиз. Оддий, меҳнатқаш, камбағалпарвар эди. Аравақашлик қилиб, кундалик нонини кунда топарди. Одамларнинг хонадонларига сомон, хашак ташир, рўзгорини амаллаб тебратарди. Ёши улгайиб, уйланадиган вақтида хаёл суриб қолди. Сарҳумдонлик машур ҳофиз Турғун ака Каримов Ҳалилполвонни шу алфозда кўриб, сўради:

— Ҳалилвой, мунча паришонсиз?

Полвон аҳволни тушунтириди.

— Тўйни бошлайверинг, Ҳалилвой, — деди ҳофиз. — Карнай-сурнай, созандаю кўшиқчи, раққоса ҳам биздан. Яна бирор камчилик бўлса, тортинманг, ука, амал-тақал қиламиз.

Ҳалилполвоннинг уйланаётганидан хабар топиб, ҳофиз Аскар Убайдуллаев ҳам ёрдамга етиб келди. Тўй бир бойваччанинг тўйидек ажойиб тус олди.

Орадан йиллар ўтди, Турғун ака оламдан ўтди. Дафн маросимида Ҳалилполвон ўз отасидан ажралиб қолгандек мотамсаро бўлди. Қабрга ўзи тушди. Турғун ака, Аскар акалар ҳақида гап борадиган бўлса, Ҳалилполвон ҳамон кўзига ёш олиб эслайди, дуо қилади.

Ўзбекистон халқ ҳофизини Турғун Каримов Шайхонтоҳур туманидаги Сарҳумдон маҳалласида яшади. Ушувоз хонанда Жўраҳон Султонов, Акбар Ҳайдар сингари машур устоз кўшиқлар таълимини олди. Ҳофизнинг ижрочилик санъати Юнус Ражабий бошчилигидаги «Ўзбекистон» радиоси мақомчилар дастасида сайқал топди. «Ҳануз», «Нигора бир кўрарга», «Ёр истадим», «Фи-

Хотира

гоний» каби катта ашулаларни маҳорат билан ижро этиб, халқ орасида танилди. Ҳофизнинг ширали овози Ўзбекистон бўйлаб машҳур бўлиб кетди. Турғун Каримовнинг хуш овози уруш йилларида катта Фарғона канали қурилишида бот-бот янгради.

Оташнафас ҳофиз ҳаракатдаги армияда аскарларни галабага руҳлантирди. Генерал Собир Рахимов дивизиясида, бошқа фронтларда берилган концертларда иштирок этди. Ёзувчи Ойбек бу гуруҳга бошчилик қилиб, ҳофизининг аскарларга қилган хизматини ўз кўзи билан кўриб, «Эсдаликлар» китобига киритди. Турғун Каримовнинг «Ултурғуси», «Чаман ялла», «Қон ютиб», «Санобар», «Қорабайир отимиз» каби кўшиқларини халқимиз ҳануз ўзгача бир орзиқиш ва сурур билан тинглайди.

Ўзбекистон халқ артисти Фанижон Тошматов шундай деган эди: — Турғун Каримов гоят оддий, камтар ва халқ қалбига сингган ҳофиз эди. — У вақтларда Турғун Каримовни танимаган одам йўқ эди, — эслайди тиббиёт фанлари доктори, профессор Йўлдош Ҳасанов. — Турғун Каримов иштирок этган тўйлар, сайллар, йиғилишларда даврага фойз кириб кетарди.

Кейинчалик етишиб чиққан Аскар Убайдуллаев, Салоҳиддин Муҳиддинов, Асад Орипов, Мухторхон Азизов, Муродхон Қоплонов каби ҳофизу созандалар Турғун акадан санъат сирларини ўрганишди.

Турсунхўжа МАҲМУДХЎЖАЕВ.

ҚЎШИҚЛАРИ ҲАМОН ЁДИМДА



КУТУБХОНАЛАРГА СОВҒАЛАР

«Чирчиқкишлоқмаш» очик акциядорлик жамияти маъмурияти шаҳардаги айрим кутубхоналарни таъмирлаш, уларнинг

китоб бойлигини кўпайтиришга яқиндан ёрдам бермоқда.

Чунончи, 5- ва 6-сонли шундай муассасалар

оталиққа олинди. Яқинда уларнинг ҳар бирига юзтадан китоб совға қилинди. Улар асосан бадий, болаларга мўлжалланган ва техниканинг турли соҳаларига тааллуқли адабиётлардир.

Шокир ТУҒОНОВ.

Yakshamba 10

«Ўзбекистон» телеканал

6.00 «Ассалом, Ўзбекистон»
8.00-8.35 «Ахборот»
8.35 «Камалак»
Болалар учун кинодастур
9.00 «Кўҳна замин оҳанглари»
9.40 «Ҳозу турналар»
Мультифильм.
10.00 «Ватанимга хизмат қиламан»
11.00 «Она меҳри»
11.20 «Бу турфа олам»
12.10 «Интеллектуал ринг»
12.50 ТВ 1 кинотеатри: «Робин Гуд». Бадий фильм. 1-қисм.
14.00 «Оқ ва қора»
Телешоу.
14.40 ТВ 1 кинотеатри: «Робин Гуд». Бадий фильм. 2-қисм.
15.45 «Қорақалпоқнома»
16.05 «Кувноқлар ва зукколар»
Телемусоба. 2-қисм.

17.15 Ўзбекистон Республикаси мустақиллигининг 12 йиллигига. «Довонлар оша»
17.35 ТВ анонс.
Ёзги таътил кунларида.
«Болалар сайёраси»
17.40 1. «Болалар ва катталар»
2. «Олтин тож». Телевизион ўйин.
18.40 «Кўшигимиз Сизга армуғон»
19.05 «Қалб гавҳари»
19.25, 20.00, 20.25, 21.10 Эълонлар.
19.30 «Тахлилнома» (рус тилида)
20.05 «Кўрсатувдан – кўрсатувгача»
20.30 «Тахлилнома»
21.15 Ўзбекистон Республикаси мустақиллигининг 12 йиллигига. «Халқнинг кўнгли». Ижодкор ва томошабин билан учрашув.
21.45 «Санъатга бахшида умр»
22.15 Футбол бўйича Ўзбекистон чемпионати.

ти. «Пахтакор»-«Цементчи»
«Якшанба кинозали»
23.45 «КиноТеатр»
00.05 «Кўкка соворилган пул». Бадий фильм.
1.30-1.35 Ватан тинсолари.

«Ёшлар» телеканал

6.55 Кўрсатувлар дастури.
7.00 «Мунаввар тонг»
Информацион дам олиш дастури.
9.00 «Янги авлод» студияси: Буш ўтирма.
9.25 «Давр»-репортаж.
9.40 ТВ – анонс.
9.45 Оҳанрабо.
10.25 «Заковат» интеллектуал ўйини.
11.15 «Ёшлар» телеканалда ҳарбий-ватанпарварлик дастури: 1. Аскар мактублари, 2. Қўтқарув «050»
11.50 «ФИФА» (футбол ичида, футбол атрофида)
12.30 Герберт Уэлс олами. Бадий фильм 1-қисм.
13.20 Чемпион сирлари.
13.40 «Хотира азоби». Бадий фильм.
15.15 «Зинама – зина» телеўйини.
15.40 «Экспедиция». Кўп

қисмли ҳўжатли сериал.
16.30 ТВ – анонс.
16.35 Болалар экрани: «Том ва Жерри»
Мультифильм.
17.55 Кўрсатувлар дастури.
18.00 «Янги авлод» студияси: Катта танавфус, Болалар учун концерт.
18.35 Спорт ҳафтаномаси.
18.50 Олтин мерос.
18.55, 21.55 Иқлим.
19.00 «Давр»-news.
19.15 ТВ – анонс.
19.20 «Қаҳқаҳа» студияси намойиш этади.
19.55 Муסיкий лаҳзалар.
20.00, 20.50, 22.30 Эълонлар.
20.05 «Герберт Уэлс олами». Бадий фильм 2-қисм.
21.00 «Қилин қирқ ёриб» Интеллектуал ўйин.
21.50 Олтин мерос.
22.00 «Давр» ҳафта ичида.
22.35 ТВ – анонс.
22.45 «Одамлардан йироқда». Бадий фильм 2-қисм.
23.55 – 24.00 Хайрли тун.

«Тошкент» телеканал

17.10 Кўрсатувлар тартиби.
17.20 «Эртақларнинг сеҳри олами»
18.55 21.40 «Экспресс» телегазетаси.
19.00 «Табриқлаймиз-қутлаймиз»
19.20 «Жаҳон географияси»
19.50 «Тв мадад»
20.00 «Ханда дўкони»
20.20 ТТҲда сериал.
«Қайсар ва довораклар»
20.40 Ўзбекистон Республикаси мустақиллигининг 12 йиллиги олдидан «Озод ва обод юрт»
21.00 Ҳаёт сабоқлари: «Қирқ тоғоранинг қирқ ногораси». Кўп қисмли видеофильм. 7-қисм.
21.45 Кинонигоҳ: «Галгамет». 1-2-сериялар.
23.35.23.40 Хайрли тун, шаҳрим!
«Халқаро» телеканал
9.05 Кўрсатувлар тартиби.
9.10 Д. Криловнинг «Йўлда ёзилмаган қайдлари».

9.30 «Ҳамма уйдалигидан»
10.10 «Мультсеанс»
10.30 «Фан-тайм»
10.40 «Кайфият»
Информацион-дам олиш дастури.
11.40 «Экран зийнати ва қиймати»
12.05 «FCN». Ўзбекистон янгиликлари (инглиз тили)
12.15 «Хусусийлаштириш: кадам-бакадам»
12.35 «Ошхонада инглизча гаплашамиз»
12.45 «Парле ву франсе?»
13.10 -14.30 Дўстлик видеоканали: «Рангинкамон», «Дидар»
«Айчурек», «Корейс тилини ўрганамиз»
16.55 Кўрсатувлар тартиби.
17.00 М. Гундарева «Қамоққа тушишни хоҳлайман». Бадий фильм.
18.55 «Лаззат сеҳри»
19.25 «Соғинч»
19.45 «Юртим»
20.10 «Тенгдошлар»
20.40 «Муסיкий серпантин»
21.30 Кинематограф.

«Фан-фан муҳаббат атри». Бадий фильм.
22.50 Бокс. Заб Джуда – Де Маркус Корли.
23.50 «Тахлилнома»
00.30 «Тунингиз осуда бўлсин»
30-канал
9.00 Дастурнинг очилиши. 9.05, 11.30, 17.40, 20.45 «Телехамкор»
9.30 «Деннис-шумтака». Мультсериал.
10.00 Болалар учун фильм.
12.00 Оилавий кино. «Полтергейст»
13.40 «Ҳўжатли сериал»
14.30 Кундузги кинозал: «Қора беретлар»
16.10 Дам олиш дастури.
16.40 Муסיкий дастур.
17.00 Телеўйин.
18.10 «30-канал» кинооқшоми: «Юлдузли дарбозалар»
19.45 «Кучли ҳимоя остида»
Сериал.
22.00 «30-канал»да якшанба кинооқшоми.
«Граф Монте-Кристо»
23.15 Спорт шарҳи.

Шеърят

ДАЛАГА ОШИҚАР
ДЕҲҚОН

Кезар ўлкам узра саратон,
Замин мисли қизган тандир.
Даласига ошиқар деҳқон,
Бир ўй уни банди этгандир.

Наҳ мияни қайнатворай деб,
Олов пурқар атрофга қуёш.
Ўшн эмас, ғўза гамин еб,
Югуради деҳқон яланғош.

Ҳар бир кўчат билан тилламув
Бошлар, бориб улар ёнига.
Эгатларга тараганча сув,
Оро кирар ғўза жонига.

Шу алфозда кеч ҳам кироди,
Ой нурида сув тарар деҳқон.
То тонггача шундай юради.
Елкасида залворди кетмон.

Кезар ўлкам узра саратон,
Даққасин биллиб ганимат —
Деҳқон уннар ҳар кеча, ҳар тонг,
Яратмоқда биз учун неъмат.

Абдулхамид МУСА ўғли.
Оққўрғон тумани.

Ўзбекистон Бадий академияси марказий кўрғазмалар залида Миср Араб Республикасининг юртимиздаги элчихонаси билан ҳамкорликда эҳромлар юрти мўйқалам соҳиблари асарларининг кўрғазмаси очилди.

Билиб қўйган яхши

СЕЗГИР АЁЛЛАР

Жониворларнинг ер қимирлашини олдиндан билиши фанга маълум. Хўш, одамларда бундай хусусият борми?

Венгриядаги Карпати-Матрада яшовчи кекса кишилар, айниқса, аёллар ер қимирлашини беш-олти соат илгари ҳис қилишар экан. Венгрия халқ республикасининг сейсмология институти ходимлари улар билан учрашиб, текширишлардан сўнг шундай хулосага келдилар. Ер қимирлаган вақтда маҳаллий аҳоли ўзини жуда бошқача ҳис қилар, бўшашиб, кучли бош оғригини сезар экан. Уларнинг юрак уриши ҳам ўзгарар экан. Бундан ташқари, аёлларнинг қулоғига кучли шовқин эшитилиб, оғзи қўйган нарсанинг таъмини сезаркан.

К. ЭГАМБЕРДИЕВА
тайёрлади.

Мисрлик рассомлар кўрғазмаси

Кўрғазманинг очилиш маросимида сўзга чиққанлар икки мамлакат ўртасидаги маданий-маърифий муносабатлар тобора мустаҳкамлашиб бораётганини таъкидлади. Ўзбекистон Бадий академияси ҳамда Мисрнинг турли

илмий, маданий марказлари, университетлари билан ҳамкорлиги бунинг яна бир далилидир.

Юртимизда ана шу мамлакат рассомларининг бадий кўрғазмасини ташкил этиш яхши аънамага айланиб бормоқда. Бу гал-

ги кўрғазмада Муҳаммад Таравий, Савсан Амир, Одил ал-Масри, Мустафо Абдулфаттоҳ, Муҳаммад Иброҳим Абдусалом каби мусаввирларнинг ижод намуналарига кенг ўрин берилган. (Ў.А.)

Кишлоқ клубини қабул қилиб олган Мўмин Тўхтаев, ишни энг аввало умумий таъмирдан бошлашга тушди. У бир қулоч ариза ёзиб, бошлиқнинг ҳузурига кирди. Бошлиқ аризага қўл қўяркан, прораб Абдиевни маҳкам ушлашни маслаҳат берди.

Тушдан сўнг клубга кириб келган кишлоқ ширкати раиси, бақироқ Холдор Холбўтаев, унинг маданий-маиший ишлар бўйича ўринбосари, боқибегам Олтин Тиллаевлар ўзаро мулоқоту мунозарога киришдилар.

— Клубни шундай қилайликки, ҳақиқий клубга айлансин! — Томоғига зўр берди Холбўтаев. — Бизнинг клубдай клуб бу ҳудудда бўлмастми керак! Тушундиларингизми?!

— Ҳовлисини асфальт қиламиз. Райхон, жамбил, гуллар, дарахт экамиз. Дискотека ташкил қиламиз. Кечқурун бир соат-бир соат сакраб кетамиз! — қўшимча қилди ўринбосар Тиллаев.

— Раз қуришма-қуриш. Тепасига ширкатимиз байроғини тикамиз. Керак бўлса, эски клубни бемалол бузиб, ширкатимиз ҳисобидан янгисини қуриб ташлаймиз! Биз...

— Отангизга балли! Сиз асли халқди ўйлайдиган одамсиз-да, а, ўртоқ прораб? — раис Абдиевнинг елкасига қоқди. — Энди мана ёш кадримиз Мўмин Тайлоқминан ишлайверасиз-да. У кечагина техникумни битириб, бизга ишга келган.

— Сиз нима десангиз шу-да, оқсоқол! Одам ажратиб қўйганман. Эртагаёқ келишади...

Мудир кўнглига ёруғ бир нур ингандек, расвоси чиқиб ётган клубга умидвор термулиб қолди.

Қурувчилар келишгач, клуб ўпка-жигари сугуриб олинган касалманд одамнинг ўзи бўлди қолди. Қурувчилар икки кун ишласа, уч кун йўқ бўлиб кетишар, келганларида ҳам бир соат вайсаб, аёлу эркак аралаш папирос чекишар, дунёнинг гийбатини қилишиб, аранг кунни кеч қилишарди. Ниҳоят, ишни чала ташлаб, ғойиб бўлишарди.

Таъмир баҳона, клубга на фаррош хотин Ўлмас думса, на бадий раҳбар Учарбой қадам босмай қўйди. Улар фақат чоршанба кунни беш минутлик йиғилишга, ой охирида эса маош олишга келишади. Бу ҳолга чидамаган мудир машғулотларни ўтказишни мажбурий қилиб, залнинг энг четидаги асбоб-анжомлар турадиган кичик хонани очиб берди. Калитнинг бирини Учарбой олди.

Ҳамма хангома шундан кейин бошланди. Аламзада Учарбой кечаси ким биландир ке-

либ, клубдаги нарсаларни «йиғиштириб» кетибди...

Чандон хуноби ошган мудир кишлоқ кенгашига югурди. У бу ишни ким қилганлигини сезиб турарди.

— Ақлинг жойидами, ука. Қандай қилиб акт тузаман? Бўлмайди! Юқорида тоғаси бор унинг. Ана, раисга кир, — котиб уни итаргудек бўлиб, хонасидан чиқаришга интиларди.

Бу орада раиснинг хонасига бошқа ходимлар ҳам келиб улгуришганди. Хе йўқ, бе йўқ, ўдагайлашга ўтди Учарбой:

— Ўрнимди эгалладинг, индамадим. Ойлигимди қирқдинг, индамадим. Энди ўғри қиялсанми?! Бизди ҳамма танийди. Сен киминга ишонасан, даюс?!

Унга фаррош қўшилди: — Бу менга-ям кун бермасди. Нуқул полди жув-жув деб, жонимди оларди. Бор Учарбой, Пар-

пихонимди чақириб кегин. Улар билади, клубди калити нечталлигини. Менам биламан, ахир ўн тўрт жилдан бери пол жувоман-а, шу жерда...

— Чақирибсиз бизди, раис бова? — бир маҳал бигизпошна туфлида ҳақкачоқлаб Парпихоним етиб келди. — Човиб келавердик. Тинчликма, раис бова?!

— Келинлар. Война бўб кетди-ю. Ишларинг қалай, қизим. Белинг бақватма? — Холбўтаевнинг ўзидан анча-мунча ёши катта аёлни қизим дейиши мудирнинг энсасини қотирди. — Бу силардан сўрамоқчи эдик, клубдинг калити нечта? Мўминдан олдин ишлагансизлар?

— Калит? Фақат битта-да. У ҳам мудирда туради.

— Ана айтмадимми?! — Учарбойга жон кирди. — Калит бўлмаса, мен қандай қилиб кирман у ерга, бирор жойи синмаган, бузилмаган бўлса. Туҳматчини қаматаман! Судга бераман!

— Менга мелиса чақир, акт туз дейди-я, — котиб қўлини пахса қилди. — Сал бўлмаса, мунинг жиноятига шерик бўларканман-а?!

— Ўв бола! — қичқирди раис. — Нега бировга туҳмат қиялсан? Аризангди жаз, ишдан бўша! Ё милиса чақирайликми?

— Ҳалиям ўша кунёқ мелисага хабар берганман, — пинагини бузмади мудир.

У диққи-нафас муҳитни, маданиятсиз, майда, онгсиз кимсаларни тезроқ тарк этгиси келар, кўчага, тоза ҳавога интиларди...

Кўп ўтмай, йўқолган нарсалар Учарбойнинг молхонасидан топилди. Шунга қарамай, Мўмин Тўхтаев ишдан бўшага ариза берди.

Ўрозул ХОЛБОВЕВА.



Табиатнинг ўзи мусаввир...

К. ЎЛМАСОВ сурат-лавҳаси.

Қилмиш-қидирмиш

ТУНГИ БОСҚИНЧИЛАР

Ўктам, Нодир ҳамда Наврўз кутилмаганда уларга нисбатан қилинган босқинчиликдан эсанкираб қолдилар. Ёнларига келиб тўхтаган «ВАЗ-2101» ҳамда «Нексия» машиналаридан тушган олти нафар шахс уларни куч ишлатган ҳолда зўрлик билан автоуловга ўтказиб, тун қоронғусида қаёққадир олиб кетди. Ниҳоят, икки машина кетма-кет дала ерларига келиб

тўхтади. Бу Зангиота туманидаги Алишер Навоий номли ширкат хўжалиги экин майдонларининг бир чеккаси эди.

Чор-атрофда ҳеч ким йўқлиги босқинчиларга қўл келди. Жиноий тил бириктириб, пичоқ билан қуролланиб олган ғаламислар уларга тегишли бўлган пул ва буюмларни тортиб ола бошладилар.

Буни қарангки, зўравон бос-

қинчилар жабрланувчиларга «химмат» кўрсатиб, уларни «Чилонзор» буюм бозори олди-га бир аҳволда ташлаб кетдилар.

Ички ишлар ходимлари олиб борган тезкор қидирув тадбирлари натижасида Лутфулло Мадраҳимов, Равшан Бекмуҳамедов, Фарҳод Аҳмадалиев, Дилшод Раҳмонов ҳамда Умиджон Муҳамадали-

ев каби уюшган талончилар ушланиб, улардан 1200 АҚШ доллари, видеомагнитофон ҳамда бир дона телефон аппарати далилий ашё сифатида топилди.

Ҳозирда бу жиноий ҳаракат юзасидан тергов олиб борилмоқда. Беш «ака-ука ботирлар» тун кечалари пастқам йўлларда изғиб юриш имконида маҳрум бўлиб, ўз жиноий қилмишларини ойдинлаштириш учун терговчиларнинг саволларига жавоб беришмоқда.

Ҳасанбой САЪДУЛЛАЕВ.

Ўб-ҳаво Гидрометеорология Бош бошқармасининг хабар беришича, 6 август кунги Тошкент вилоятида ҳаво бироз булутли бўлади, ёғингарчилик бўлмайди. Шимолишарқдан секундига 7-12 метр тезликда шамол эсади. Кечаси 13-18, кундузи 23-38 даража иссиқ бўлади.

Фуқаролик ишлари бўйича Тошкент вилоят суди раҳбарияти ва меҳнат жамоаси шу суднинг ходими Хожибой Исмоиловга волидаи муҳтарамаси

ЁҚУТХОН аянинг вафот этганлиги муносабати билан чуқур таъзия изҳор этади.

ТОШКЕНТ ҲАҚИҚАТИ
ТАШКЕНТДА ПРАВА

МУАССИСА
ТОШКЕНТ
ВИЛОЯТИ
ҲОКИМЛИГИ

Бош муҳаррир
Фатҳиддин
МУҲИДДИНОВ

Телефонлар:
Хатлар ва оммавий
ишлар бўлими: 133-40-48.
Эълонлар:
133-70-10, 136-53-54.

Манъилимиз:
700000, Тошкент
шаҳри, Матбуотчилар
кўчаси, 32.

Ўзбекистон Республикаси Давлат
матбуот қўмитасида 8 рақами
билан рўйхатга олинган.
Газето «Тошкент ҳақиқати»
тоҳририяти компьютер
марказида терилди ва
соҳифоланди.

• Эълон ва билдирув-
лардаги факт ҳамда далил-
ларнинг тўғрилиги учун
реклама ва эълон берув-
чилар масъулдир.